


SA PAZINA 'E SA POESIA

de Tonino Sanna

Pedru Casula est naschiu in Borore sa die 4 'ennarzu 1888. Est benniu a bivere in Sedilo dae sende zovaneddu prò motivos de triballu, essende Segretariu Comunale e Avvocau. S'est'isposau cun Franziscanzela Zuncheddu, naschia dae nobile famiglia Sedilesa. Valorosa sordau in sa prima gherra mondiale, est'istau decorali in su 1918 cun d'una medaglia de prata e in s'annu sighente cun d'una de brunzu.

Ad'iscrittlu su poema eroicu "*Trogodori - losto - Amsicora*" pubblicau in sa rivista "Sardegna Poetica"; in su matessi zornale sun'istadas imprentadas medas ateras cumposizioni poeticas. Paris cun sa muzere han lassau sos benes issoro a sa eresia mazore de Sedilo, benes chi sun'istaos impreaos prò fraigare s'Asilo pro pizzinnos "Cesare Zonchello" e s'ospitziu "Sacru Coro" pro sos bezzos. Est mortu in Sedilo su 15 'e Arbile 1958.



Deus, su mundu e su poeta

O Deus soberanu, chi guernas custu immensu, infinitu firmamentu cun legges immutables eternas;

Chi genereas calore, abba e bentu lughe, aria e pesu, s'armonia, cardine de sa vida e ornamentu.

Ite bella e divina melodia; ite musica arcana in d'ogni cosa cantu bella m'ispiras poesia!

Su lizu chi fiorit cun sa rosa, su gravegliu, sa dalia e gelsominu s'abe chi suzzat cun sa mariposa;

Sa simpatica giovana, ch'in sinu coltivat e ischerziat cun s'amore e sognat e s'incantat de continu.

Sa fromiga, s'anzone, su fiore, sos rios cun sos montes, sas istellas non d'an s'osanna a tie, o Criadore?

Non s'es tue ch'illuminas, modellas sa umana perfetta eriadura sas animas elettas e pius bellas?

Non ses tue chi a tottu pones cura cun sa tua assistenzia soberana chi a sas cosas d'as forma e d'as figura?

Chi faghes zampillare ogni funtana in roccas, precipizios, pianura in sa zona prus aspra e prus montana?

Ahi superficiale ite cultura; certos chi si pretendene istruidos de su nomene tou nde han paura!

Logos

E ateros superbos presumidos,
prenos de gloria dae conc'a pese
in festas, in discursos e partidos,

Onzi die, onzi chida e d'onzi mese
de umana malizia sempre reos
narant chi Deus, Tue prus non.. .sese!

E chi issos, sapientes sun sos ... deos
e contr'a Tie, divinu immortale
faeddos t'indirizzan sos pius feos.

Cun tale irriverenzia bestiale
de s'umana progenia disonore
a s'iscola 'e Lucrezio e Giovenale!

Si seriu lis domandas pro favore
chie, prò casu in su tou giardinu
faghet nascher sas mattas, su fiore;

Chie dat s'alimentu, su divinu
profumu chi allegrat e ristorat
chi hat postu s'amore intro su sinu,

S'isguardu ch'incantas, innamorat
s'energia chi generat sa vida
s'aurora chi naschet, si colorai;

Tando bies, certa zente istruida
rispondindedi seria, a isfumadura
chi natura ogni cosa hat partorida.

Ma tue non ses parte 'e sa natura,
sa parte pius bella e pius eletta
c'has iscenzia profunda e has cultura?

Ma sa persona umana chi es perfetta
dae chie est bistada generada
nara, dae cale magica bachetta?

Dae cale furiosa mareggiada,
da diluviu antiguo da vulcanu
o da terra in mare isprofundada?

Ma su coro sa mente e i sa manu
chi duncas a tuttu hat disegnadu
a fagher parte su corpus umanu?

Rispondide sos c'hazis superadu
su grande Salomone in sapienzia,
chi sezis de cultura in altu gradu.


Sos chi creides d'haer conoschenzia
de s'erigine 'e tottu, nade a mie
cun sa ostra cultura e bostra iscenzia:

Chie hat fattu sa notte cun su die
chie hat fattu s'iggierru cun s'istiu
s'iscenzia forsis bostra, nade, o chie?

Chie s'abba, su mare e i su riu
s'aria, su fogu, lughe e dogni cosa
prò chi s'ornine in terra abbarret biu?

Sa testa c'hazis troppu presuntuosa
prena de milli vanas teorias
l'umiliat unu lizu e una rosa.

O sun chimeras sas bideas mias?



Bar - Gelateria
Deiana - Mureddu



Via Carlo Alberto
Tel. 0785.59080 - 09076 SEDILO (OR)

BAR PIZZERIA
su Recreu

di Costantino Frau

Tel. 0785.59426 - 09076 SEDILO (OR)